



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Tractatus De Regimine Ecclesiae Episcopalis In Octo Libros Distributus**

**Antonelli, Giovanni Carlo**

**Velitris, 1650**

Svmmarivm.

**urn:nbn:de:hbz:466:1-11401**

fert, & seq. Barbof. de offic. & pot. Episc. par. 3. alleg. 98. num. 9. non possunt tamen huiusmodi supra-numeraria admitti sine Sac. Congregat. licentia ex decreto eiusdem Sac. Congregationis, quod refert Lezan. in Sum. qq. reg. to. 1. cap. 25. num. 6. & tunc quæ ultra statutum numerum recipiuntur, duplicem elemosinam afferre debent, hoc est duplicatam summam eius, quæ in receptione cuiusque monialis intra numerum in quolibet monasterio constitutum erogari pro tempore consueverit: ita tamen ubi summa, quæ confertur, minor est scutis ducentis, ibi saltem ratione duplicatæ elemosinæ soluenda sint scuta quadringenta, ut decrevit Sac. Congr. teste Vulp. in Prax. iudic. cap. 4. num. 13. Lezan. in sum. to. 1. cap. 25. nu. 6. Quarant. in ven. monasteria monialium.

Quæ verò supra numerum præfixum recipiuntur, in locum monialium decedentium intra numerum nequaquam subrogantur, neque impedimento sunt, quin aliæ in locum earundem ex numero demortuarum recipi eo modo valeant, quo in singulis monasterijs moniales intra numerum possunt admitti; quinimodò sic supra numerum receptæ supranumeraria semper quoad hoc remanent, etiam si in cæteris ab alijs nihil differant, ut censuit Sac. Congreg. apud Quarant. & Lezan. locis cit. Barbof. d. p. 3. all. 98. nu. 4.

4 Adde, quod non possunt ultra duas sorores in eodem monasterio habitum regularem suscipere, & professionem emittere abs-

que Sac. Congregationis licentia: & si hac licentia obtenta tertiam soror ad habitum admittatur, voce actiua, & passiva tamdiu carere debet, quousque altera ex eisdem duabus sororibus vitam scilicet morte commutauerit; dotemque duplicatam tenetur soluere, quatenus intra, triplicatam verò, si supra numerum existat, talique casu adimpleri debent conditiones in licentijs pro monialibus supranumerarijs concedi solitis; ubi verò laudabilis consuetudo inoleuit, vel Pontificia constitutione cautum est, ne duæ sorores in eodem monasterio habitum suscipiant, ita observari debet, ut rescripsit Sac. Congr. ad Archiepiscopum Bracharen. sub die 26. Augusti 1616 teste Lezan. in sum. qq. reg. to. 4. ven. moniales num. 6.

S. V. M. M. A. R. I. V. M.

- 1 Potest Episcopus interesse electioni quarumcunque Abbatissarum etiam exemptarum.
- 2 Quando Prelati Regulares tenentur Episcopo significare diem electionis Abbatissæ.
- 3 Abbatissa per vota secreta est eligenda, quæ aetatem præscriptam in Conc. Tridentino habeat.
- 4 Non potest eligi ad vitam, sed per triennium.
- 5 An post elapsum triennium possit iterum eligi, ibidem.
- 6 In huiusmodi electione ex tripartito numero monialium duæ partes concurrere debent.
- 6 An per Concilium Tridentinum sublata fuerit forma cap. quia pro-

- propter de elect.
- 7 Quid si Moniales in electione discordes fuerint.
- 8 An monialis vidua, vel alias corrupta possit eligi in Abbatissam:
- 9 Et an monialis illegitima ad huiusmodi munus assumi possit.
- 10 An Praelati dictarum monialium possint in praedicta illegitimitate dispensare.

## CAP. IV.

## De electione Abbatissae.

- P**otesť Episcopus vna cū Superioribus regularibus electioni quarumcumque Abbatissarum per se, siue per alium interesse ex Constitutione Greg. XV. *incip. Inscrutabili*; & ideo tenentur Regulares Episcopo significare diem electionis Abbatissae, eūque ad praefinitum tempus expectare, si antea ipse expressē declarauerit, se vti velle facultate sibi hac in parte attributa ita, vt post dictam declarationē liceat Episcopo censuris, & alijs pœnis punire Regulares, qui ante tempus significatum, aut die electionis eidem non praenunciata ad Abbatissae electionem processerint, ita declarauit Sac. Congreg. in resp. ad dub. 25. super ead. constitutione refert Barbof. post 3. par. Tract. de offic. & pot. Episc. fol. 55. & seq. Lezan in Sum. qq. reg. to. 1. cap. 25. nu. 46. Vulp. in Prax. Iudic. cap. 42. num. 28.
- 3 Eligi autem debet Abbatissa

per vota secreta iuxta Tridentinum sess. 25. de Regul. cap. 6. quae habeat aetatem praescriptam in eodem Concilio loco cit. cap. 7. vt notant etiam Doctores apud Barbof. d. par. 3. all. 100. num. 17: vbi etiam dicit, quod electio aliter facta nullius esset roboris.

Nec potest eligi ad vitam, sed per triennium: & postea a regimine, & administratione monasterij debet abstinere per triennium a die finitae administrationis: quo elapso seruata forma, eiusdem Concilij iterum, ac pluries eligi potest per Constitutionē Greg. XIII. *incip. Expositio debiti*, quam refert Vulp. in Prax. Iudic. cap. 4. num. 14. Lezan. in Sum. qq. reg. tom. 1. cap. 26. num. 4. Quarant. in ver. Abbatissa.

In huiusmodi verò electione ex tripartito numero monialium duae partes concurrere debent, nisi alia adesset loci consuetudo ex decreto Sac. Congreg. apud Piafec. in Prax. Episc. par. 2. cap. 3. nu. 57. vers. in monasterijs.

6 An verò per Concilium Tridentinum sublata fuerit forma *c. qui* propter de elect. non fuisse sublata, sed adhuc in suo robore permanere dicit Barbof. d. par. 3. all. 100. num. 17. vbi citat Fr. Emman. in Sum. p. 1. cap. 102. num. 2. Zerol. in Prax. Episc. par. 1. ver. Abbatissa §. 6. Azor. in Stat. mon. par. 1. lib. 13. cap. 10. quaest. 2. Sigism. à Bonon. de elect. dub. 27. nu. 10. & 11.

7 Si verò Moniales in electione huiusmodi fuerint discordes, potest Episcopus nominare vnam, quam magis idoneam iudicauerit